

剡源鄉志卷一

奉化趙霈濤 醉仙甫纂

里至

西至紹興府嵊縣界一百里以陸照嶺為界自界首至

嵊縣一百四十里

寶慶四明志十四。延祐四明志一府作路餘同。

案嵊縣界是唐興嶺非陸照嶺陸照嶺是新昌界非嵊縣界康熙奉化縣志西至嵊縣剡嶺界一百里今有剡界嶺而無剡嶺剡界嶺仍是新昌界

昌界

剡源鄉志

卷一

里至

一

西北到紹興府嵊縣界一百二十里以箬阮嶺為界自

界首至嵊縣一百三十里

寶慶志十四。延祐志一府作路餘同。

案康熙乾隆二縣志嶺條作箬嶺脫一阮字查嵊縣村落有箬阮此處有嶺去剡源不遠想或是也

東至奉化縣一百四十里界陸照嶺

高似孫剡錄

由縣治至剡源鄉公棠四十里至高巖五十里至小晦六十里至大晦六十五里至董村七十里至梨洲一百里至西晦溪一百里至康家嶺五十里至三石六



十里至六詔八十里至雲南村九十里

康熙奉化縣志○乾隆奉

化縣志同

案縣志里至有雲南村古蹟亦詳雲南村鄉都又別列雲門村疑門爲南之訛惟遍閱各族譜牒竝無言及雲南村者黃梨洲先生四明山志雲南里奉化四十八都剡源管嵩溪里非雲南里四十八都爲今俞村董村棲霞阮西晦溪北溪梨洲諸村其云雲南里四十八都未知所據或以九題之雲南當之據陳本堂先生集雲南

剡源鄉志

卷一 里至

二

指董村然里至既有董村不應一村而有二名且與九十里亦不合以九十里計之疑是石門西晦溪以下之石門今石門屬嵗縣不屬奉化豈地名隨時變更而康乾重修時剡源無人採訪故沿訛而不改與

沙隄

接禽孝鄉

距縣四十里徐家步頭

俗作埠

四十三里公塘

四十五里後董四十七里康嶺五十里茅渚五十四里西隅五十五里三石六十里塔下六十二里寺前六十四里柏阮六十五里下蹕駐七十里上蹕駐七

十二里六詔八十里上六詔八十二里麻廠八十三里晚響嶺八十五里水碓頭九十里剡界嶺新昌縣界一

百里○案寶慶志以陸照嶺為界是今之剡界嶺即古陸照嶺也牌門頭七十三

里西畧八十里黃沙院八十五里石橋頭八十七里

應家山九十里大院九十里磨石嶺新昌縣界九十五里

以上中路

斑溪距縣五十二里董家畧五十三里許家岸五十五

里楊家地六十三里榆林六十五里樟墅六十六里

楊墅七十里石門六十里由長嶺而出菱湖嶺接連山鄉七十

剡源鄉志

卷一 里至

三

五里巖頭六十五里界嶺接連山鄉八十里寒風嶺八十

五里鐵山八十里豬頭嶺八十里接連山鄉以上前路

高畧距縣五十里亭下五十五里麻廠五十七里西山

頭六十里馬村六十里環潭六十五里白壁七十里

大晦嶺六十五里毛家灘七十里斑竹園七十二里

住嶺下七十五里沈家巖八十里開清寺八十五里

細院一百里俞村六十里畧底六十二里董村六十

五里巖院七十里棲霞院八十里董竹八十里西晦

溪九十五里應家山接嵯縣界一百里北溪接鄞縣界九十里

黎洲一百里平阮嶧縣界一百十里

以上後路

北至府治陸路一百二十里從五曲三石適中之地計算水路一百

三十五里

西北至省水路六百四十里陸路四百里過北溪過大橫山過小橫

山登羊額嶺過兩衝過上虞城渡曹娥江二百里乘船至西興一百八十里渡錢塘江至巡撫衙門二十

里共四百里

東界連山鄉許家山南界新昌縣下蔡畧西界嶧縣湖

潭北界禽孝鄉上山東南界連山鄉徐馬站西南界

新昌縣張家父東北界禽孝鄉新建西北界鄞縣仗

剡源鄉志

卷一

四

錫餘姚大俞上虞羊額嶺

東西相距八十里南北相距五十五里周二百一十里

都圖

唐正元間為鄉一十有九宋景德三年始併為八鄉乾道

四明圖剡源其一也經三

案寶慶志剡源居第六鄉延祐至正二志剡源

居第八鄉以後志書仍之

剡源鄉縣西管里一村四 嵩溪里 三石村 小晦

村 陸照村 公塘村寶慶志十五

案寶慶之前蹕駐有陳殿中監沙隄有樊監察
御史良忠康嶺有康孝子彥中高巖有張僉判
欽董村有竺耕道兄弟雖斑溪榆林石門西晦
溪董聲仲陳養直毛儀卿單君範諸人未出而
其祖若父皆世居此何以寶慶志僅載三石
等四村耶是時主修者胡尙書仲方廬陵人作
者方教授萬里羅參軍璿亦廬陵人其他編類
文字者十一人或鄞人或慈谿人或不詳里貫
均在郡城纂修我奉無一人預其事者亦何怪

剡源鄉志

卷一

都圖

五

其簡略也

四十七都

延祐志入

一圖領二十五村

亭下○岡朗山○大船○倪家山○張家石操○烏龜石○莫

家灣○麻厰○寨底○松門嶺腳○毛家灘○茶溪○甌竹園○住嶺下○沈家巖○石柱畷○開清寺○雞毛院○作泉院○蕩部魚山○大豬槽○滌水巖○韭菜坪○陳院○細院

四十八都

延祐志入

一圖領一十五村

俞村○董村○姚家○大巖下○巖下山○劉家田○檫樹岡

○小麥地○三折嶺腳○龍潭院○冰水孔○三十六灣○棲霞院

案唐田屬嵊縣因田產寄籍於剡源昔有橋頭

派七八家冒考奉化籍嗣後廩生毋得濫保

二圖領二十九村

篁竹○西晦溪○應家山○大繞○北溪○茶焙○梨洲○寺

前○大壘○溪下○巖下山○蓮花○靈溪○畝孔○蜈蚣塗○大茅壘○平阮○陽溝阮○跳阮

○前阮○下慈阮○大巖下○板阮○龍巖岡○後湖○湖裏○前路山○油竹坪○大樹秧

案嵯縣之石門雖剡源多寄籍之產曾無一人

冒考者

四十九都

延祐志八

一圖領十一村

康嶺○西隅○田厰○馬村○西山頭○環潭○白壁○大海嶺○

龍華寺○單家○巖阮

剡源鄉志

卷一

都圖

六

二圖領一十六村

茅渚○斑溪○董家壘○塘腦○深阮○許家岸○溪西畝○

六西壘○大灣○楊家地○黃麻塢○榆林○中華壘○樟墅○楊墅○蟹鉗地

三圖領五村

下汪○三石○塔下○倪家壘○寺前

案族內藏有四十九都一圖清丈魚鱗冊殘本

竝無年分其業主姓名俱四十九都三圖三石

塔下二村人今四十九都一圖在四十九都三

圖之下不知何時改隸三圖無從稽考

五十都

延祐志八

一圖領四十五村

柏阮○竺家壘○前塢○下蹕駐○上蹕駐○牛塘○龍塢○

柿樹坪○俞家畧○曹家地○茅洋○藥師畧○
茅塢○六詔○上六詔○曹塢畧○麻厰○大巖
坪○塘院○長灣○木杓頭○白畷○晚響嶺○
前畧○高塘○水碓頭○寺畧○虎狼院○牛院
○石橋灣○剡界嶺○牌門頭○小院○撓院○
小沙院○西畧○黃沙院○雪院○石橋頭○南
塢院○楓樹灣○應家山○
茅洋頭○清水田○大院

案高塘接嵯縣界剡界嶺半屬新昌

五十一都

延祐志入

一圖領二十三村

巖頭○茅院○許家埧○東院
○白泥院○茅坪○下風壘○
上風壘○董家坪○塔裏院○界嶺○寒風嶺○
白石○大畧○大邱田○大水院○鐵山○油茅
畧○下院○桃灣○田雞山○
馬鑿畝○豬頭嶺 附謝界山

剡源鄉志

卷一

都圖

七

案謝界山地屬連山因居人俱從巖頭遷彼故
戶籍遂入剡源焉

二圖領一十一村

石門○篁竹田○水塘灣○扁
擔嶺○竹坪○孫家山○田灣
○高院○深蘿院○石嶺○
大院 附長隴頭○張家院

案長隴頭張家院二村地屬連山因居人俱從

石門遷彼故戶籍遂入源剡焉

五十二都

延祐志入

一圖領十村

沙隄○入山亭○後董○徐家步頭
○公塘○小千畧○爛船灣○高畧
○徐畧○直畧
附董家橋

案剡源中路之康嶺西隅宜隸四十九都三圖
今隸一圖與馬村等處相去十餘里與巖阮相
去二十餘里且中有五十二都之高舉四十七
都之亭下相錯徵賦役者稱難焉後之造冊籍
者其更正之

剡源鄉

縣西 舊剡源隱遊石門三鄉帶管一日嵩
溪管都六 大小晦村 雲門村 西晦溪

三石

六詔

榆林

公棠

高舉

沙隄

舊一十一里今編一十里

四十七都圖一

四

十八都圖二

四十九都圖三

五十都圖一

五十一都圖二

五十二都圖一

○康乾二志

元明增置方隅折爲一百四十九里里各以百十戶

剡源鄉志

卷一

都圖

八

爲十年圖年推一人爲長領甲首十戶不足者爲帶
管畸零每十年更造冊籍五年審察丁糧上下以爲
正差雜差我

本朝順治十年爲均里法里各以三千五百畝爲率地
無盈縮役無偏枯康熙元年遣界後編里一百二十

九里

康乾
二志

鎮市

公塘鎮

縣西北三十里

寶慶志
十五

唐文德元年置

寶慶
志十

四

案剡源直縣之正西當作縣西四十五里

公棠市 嘉靖志引永樂志 康乾二志 久廢

康嶺街 距縣五十里

康嶺廿六市 每歲十二月廿六日四方貿易者咸集

於此

亭下街 距縣五十五里

亭下三市 縣西南五十里即晦亭 乾隆志

案當作縣西五十五里

坊表

剡源鄉志 卷一 鎮市 坊表 九

雲錦坊 縣西七十里為舉人宋璧立 雍正志

案康乾二志作縣北三里璧為董村人其先世

遷自北山則建坊於縣北亦未可知今北山所

存石柱十餘處莫可識認若董村并石柱亦無

之矣

又案嘉靖志雲錦坊縣北三里為舉人宋暄立

無宋璧之坊名康乾二志躍龍坊為宋暄立雲

錦坊為宋璧立兩兩載之嘉靖志移宋暄於雲

錦之下誤記宋璧為宋暄遂錯認躍龍為雲錦

與

長春勝槩坊 在下蹕駐接引橋側

案現存石柱二兩旁小字漫滅不可讀不知爲何人而立

壽婦坊 爲三石趙有積之妻黃氏立乾隆三十六年奉

敕建并給貞壽之門匾額參乾隆志詳見列女傳案當時無力建坊其子孫亦因循不果

節孝坊 爲董村邑廩生竺苞之妻陳氏立

剡源鄉志

卷一 坊表 風俗

十

風俗

其穀宜稻周禮職方氏

信鬼神好淫祀乾道圖經一

案此條圖經引隋書地理志

右山左海土狹人稠日以開闢爲事凡山巔水湄有可耕者累石塹土高尋丈而延袤數百尺不以爲勞寶慶

志十四

詩禮曹鄭之詒延祐志引王深甯四明七觀○注曹粹中著詩解

孝讓之風藹然爲鄉族望戴表元題獎孝詩卷後

敦厚愷悌之澤今復未艾

袁梅跋竺氏藏舒沈二先生書

有山可樵有水可漁有宅可以桑麻有田可以稼穡有圃可以筍茹其出者皆有廉謹之名處者皆有節義

禮讓之行

戴良剡源九曲園記

恭錄

聖訓

雍正七年六月初六日欽奉

上諭游惰之民自昔治天下者之所深惡若好爲賭博之人又不止於游惰而已荒棄本業蕩廢家資品行

剡源鄉志

卷一

風俗

十一

日卽於卑污心術日趨於貪詐父習之則無以訓其子主習之則無以制其奴鬪毆由此而生爭訟由此而起盜賊由此而多匪類由此而聚其爲人心風俗之害誠不可以悉數也大凡爲不善之事者雖干犯公令猶可得微利於一時而獨至賭博則今日之所得明日未必能保若合一年數月而計之勝者與負者同歸於盡此天下之人所共知者而無如邪僻之人一入其中卽迷而不悟且甘爲下賤而不辭亦大可悲矣數年以來屢次降旨嚴禁而此風尙未止息

者則以製造賭具之尙有其人而有司之禁約未曾盡力也百工技巧之事可以獲利營生者何事不可爲而乃違條犯法製此壞風俗惑人心之具其罪尙可言乎嘗思賭博之風所以盛行父兄爲之子弟在旁見而倣之家主爲之奴僕在旁見而倣之甚至婦人女子亦沈溺其中而不以爲怪總因習此者多故從風而靡者眾也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司均

剡源鄉志

卷一

風俗

三

有化民成俗之責而乃悠悠忽忽視爲泛常安辭溺職之咎今特定本地方官員勸懲之法以清其源嗣後拏獲賭博必窮究賭具之所由來其製造賭具之家果審明確有證據出於某縣將該縣知縣照溺職例革職知府革職留任督撫司道等官各降一級留任如本地有私造賭具之家而該縣能緝拏懲治者知縣著加二級知府著加一級督撫司道等官紀錄二次將此勸懲之法永著爲例於雍正庚戌年爲始著該督撫通行曉諭咸使聞知特諭

雍正十三年十一月初二日欽奉

上諭朕聞外省百姓有生計稍裕之家每遇喪葬之事多務虛文侈靡過費其甚者至於招集親朋鄰族開筵劇飲謂之鬧喪且有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得爲而不爲與不得爲而爲之者均爲非孝是知各循其分乃能各盡其孝而初不在以奢靡相尚也況當哀痛迫切之時而顧聚集親朋飲酒演劇相習成風恬不知怪非惟於理不合抑

刻源鄉志

卷一

風俗

三

亦於情何忍此甚有關於風俗人心不可不嚴行禁止著各省督撫等通行明切曉諭嗣後民間遇有喪葬之事不許仍習陋風聚飲演劇以及扮演雜劇等類違者按律究處務在實力奉行毋得姑爲寬縱特諭

雍正十三年十一月初十日欽奉

上諭朕聞吉凶異道不得相干故娶在三年之外而聘在三年之內者春秋猶以爲非禮記稱大功之末可以冠子可以嫁子父小功之末可以娶婦己雖小功

既卒哭可以冠娶妻三年之喪創深痛鉅苟有人心者必宜於此焉變矣乃愚民不知禮教起於阜隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間爲之而八旗效之朕實憫焉自今伊始自齒朝之士下逮門內有生監者三年之喪未終喪不得嫁娶違者奪爵褫服其極貧阜隸編氓父母臥疾呻吟牀褥必賴子婦以供薪水治饗餐者聽其迎娶盟饋俟疾餘喪畢而後成婚古者禮不下庶人其斯之類與

剡源鄉志

卷一

風俗

古

曾子問親迎女在途而壻之父母死女改服布深衣縞總以趨喪亦此義也其商賈中家不以士大夫禮繩之然人性皆善朕知其必有觀感興起而不忍自同於氓隸者矣特諭

凡喪三年者百日薙髮在喪不飲酒不食肉不處內不入宮門不與吉事期之喪二月薙髮在喪不婚嫁九月五月者踰月薙髮三月者踰旬薙髮在喪均不與

燕樂

大典
會典

夏醴谷日聞之昏禮不用樂幽陰之義也昏禮不賀人

之序也今則置酒高會而澆弛無行之徒沈湎喧呶甚且以媒嬪之詞相軋以爲笑樂此又俗尙之偷有力者宜亟挽之也

徐健菴曰親死不葬此人子莫大之罪況律有明禁而世人往往犯之何哉以爲無其財耶則斂手足形還葬無槨固聖人之所許也以爲無其地耶則暴棺於中野而風水是求又君子之所不爲也且爲士大夫者於一身之居處服食無不窮其財力以爲之獨父母之遺骸反不獲一抔之土而掩蔽焉卽旁觀者尙

剡源鄉志

卷一

風俗

五

且爲之歔噓太息而彼乃安焉不顧何人心之漸滅一至於斯也然則欲振救此弊者將何術而可曰有國典在一舉律文以治之彼人之不畏禮義者獨不畏刑罰乎其或仕宦之家有司不敢行法則必依周廣順之詔書親喪未葬已仕者不許榮進未仕者不許應舉且必於保狀內明書依禮葬畢方許服官赴試而所司失於覺察者竝罪則凡欲求利達者無不圖速葬其親而停柩不葬之風庶幾可以少挽卽先儒邱文莊之議亦然 昭代之章程前王之法制昭昭

具在何不可舉而行之哉案今福建舉人貢生等服滿縣報府府報布政司布政司申呈禮部竝據本生鄰里結狀稱二十七月服內已經安葬并取地師墳丁土工結狀一并申報如無結狀不准赴試余在禮部見之嘆其風俗近古是考亭教思未墜然是篤終之禮豈可獨使閩士無憾宜推行於諸布政使司一體飭遵者也

陳文恭公風俗條約曰宴會所以合歡飲食止期適口何乃爭誇貴重羣尙希奇山珍海錯之中又講配合

剡源鄉志

卷一

風俗

六

烹調之法排設多品一席費至數金小小宴集卽耗中人終歲之資逞欲片時果腹有限徒博豪侈之名重造暴殄之孽前撫軍徐公曾與同官紳士有五簋之約爲民倡率本部院秉臬時曾與其會一時漸有遵從近復誇多如故嗣後正事張筵不得過八菜費不得過一金親朋小集仍以五簋爲度約豐儉之宜留不盡之福物薄而情自厚費省而禮可勤亦何苦而不爲也

張清恪公飭禁昏禮華奢示曰入門之後設酒動十餘

席糜費已極合昏之夕親戚朋友夥飲徹宵擁眾入房披帷帳搜枕衾名曰鬧房褻狎瀆亂傷風敗俗此其甚也嗣今嫁女椅卓不過數張被褥全具衣服一箱過此定拏其父母以違制論并著地方保長糾察鬧房之人子衿移學戒飭小民發府縣懲治嗚呼張公此言誠整飭風俗之要務也

張考夫曰家堂香火之神名義安在至於天地君親師者以爲民生所重則有之矣而立一主以祀之則無義矣以天地爲上帝后土則郊壇之祭天子而下莫

剡源鄉志

卷一

風俗

七

敢舉也若非上帝后土豈別有一天地爲民間通祀之者至於君謂先君乎則九廟奉之矣以爲非先君乎則皇帝方臨御矣安得而神之也親則祠堂旣立四世主矣又總名曰親果何親也先聖先師則自國學各府州縣之學以及書院莫不崇祀不應家以瀆之若所受業師則固有子孫以時享況乎薄俗人心今日師弟明日路人當其生前久矣不復胸臆而謂身歿之後猶置念思有之乎尋繹斯言凡有天地君親師之主者急宜撤而去之當遵朱子到地爲始祖

之說以始遷祖之主居中亦不必遠追始祖之所自出則心安而理得矣

曾文正公曰兄妹之子女猶然骨肉古者婚姻之道所以厚別也故同姓不婚中表爲婚此俗禮之大失譬如嫁女而號泣奠禮而三獻喪事而用樂我輩不可不力辨之

剡源向乏水患亦無劫案自嘉慶初福建台州棚民相率來剡開山種澱種苞蘆日闢日廣如牛山之濯濯水無所蓄至嘉慶末大雨連日山水驟注於溪溪不能容遂漂沒田疇無算自茲以還或五六年或三四年或連年水必一發焉漸至溪高於田田中多沙墩者實由於此卽泉口以至徐家渡江中多沙石者亦由於此比年仙居黃巖無業貧民偕來工作寓居山廠一不得食搶劫之案層見疊出官府畏處分令其改捨爲竊差役能魚肉善良不能緝捕盜犯甚至殺

越人於貨逃遁而莫可窮治大抵在唐興嶺

俗名唐塢嶺

一帶居多雖保甲門牌屢次舉行然而有治法無治人奚足恃乎

剡源鄉志

卷一

風俗

夫

禮內則女子十有五年而笄二十而嫁方氏謂經亦舉其大略王氏謂二十而不嫁則非禮素問岐伯曰女子二七而天癸至任脈通太衝脈盛月事以時下故有子然則自十五至二十俱可嫁之年今剡源貧家之女無慮其不早嫁矣略富者往往遲至二十四五六歲而後嫁其中如邳子之女泉邱人之女者醜不可道揆厥所由其故有二一由於擇婿夫佳兒佳婿命實主之我非淑女而但求吉士人其許我乎況今之所謂擇婿者不過粥家許飯家之說徒擇其家之

剡源鄉志

卷一

風俗

五

豐儉非擇其婿之賢否也一由於懼內婦人拗執成性以爲男子之婚父主之女子之嫁母主之遲遲擇配或嫌其娒娒之多或評其姑嫜之惡其父則夫綱不振一任婦人之主持又喜聽術士東四西四之說相去已差四歲男家更擇大利小利之年於是女之年已二十五六矣婚姻失時無怪乎其行露而懷春也

朝廷當下一令曰女子年十八而不嫁者杖其父母官爲擇配則內無怨女矣或曰吾欲嫁而人不肯娶奈

何曰彼瞽者啞者殘疾者寡婦之年老者與夫謀毒其夫而不遂者本夫殺姦夫而姦婦未殺者姦夫殺捉姦之人與爭姦之人而姦婦猶在者一啓口間一月內卽有人娶之以去又何患焉然則凡有女子者標梅之詩何爲而不三復也哉

孔子曰必也正名乎名不正則言不順是孔子之正名首重父子矣古人呼父曰爹曰爺曰翁曰八八曰巴巴曰郎罷曰罷罷皆因中外語言之不同以致聲音之或異總之皆父也剡源有呼父曰叔叔曰大叔曰

剡源鄉志

卷一

風俗

三

阿叔者其始不知倡自何人想其父母當子初生之時邀術士推命術士妄言禍福以爲命中子嗣難招冀厭其勝以索謝費而爲父母者深恐苗而不秀其子能言卽以叔叔大叔阿叔教之父也而叔之將叔也而父之乎夫乾吾父也若改曰乾吾叔也其可乎經書中父母竝稱若改曰叔母其可乎一推論之皆窒礙而不通者也農愚或沿陋俗之稱獨讀書明理之家亦效其尤可怪亦可笑也

周禮禁遷葬者與嫁殤者鄭注謂生時非夫婦死旣葬

遷之使相從也殤十九以下未嫁而死者生不以禮相接死而合之是亂天倫者也

欽定義疏案曹操幼子倉舒卒邴原有女早亡操欲求與倉舒合葬原曰嫁殤非禮也乃止據此則嫁殤與遷葬俱是生非夫婦而死合之者今我剡多冥配之陋俗而一二有識者流動援倉舒之事以自解豈知曹操雖嘗求之邴原未嘗許之乎安得知禮君子起而正之

同母異父之兄弟姊妹相爲婚姻律以姦論而我剡實剡源鄉志

卷一

風俗

三

不乏其人昔年巖頭毛氏修譜總裁爲彼族諸生毛其炳槩不收入可謂嚴而正矣各村宜則效之

儀禮虞浴不櫛

此古本今本有沐字當從古本

是虞始可以浴則未虞

之時浴且不可違忍櫛沐今一遇親喪卽呼待詔

俗名

薙薙髮試問櫛乎不櫛乎沐乎不沐乎百日薙髮載

在會典今沿二氏之說以四十九日爲斷何耶其他

應鄉試而辦降服廩生服未闋而出保者抑又何耶

剡源近今講箏之風盛行

以一人念呪以一人爲之箏身忽爾昏仆半晌起而言之

咸豐時無是事也農愚素不信醫一旦或身或妻子

遇疾病遂以吉凶方藥問之於神神豈能憑人身而爲之言哉殆爲筭身者假作神言以誑人耳此與講

肚仙

同治初邑侯鄭公錫澤斥之日講鬼話答責三百管押兩月

何以異哉

陳本堂先生集中有公棠溪次待舅氏竺九成舟偶成詩知宋季公棠猶可行舟此寶慶志公塘鎮所由來也今舟已難行僅通竹簰皆因開山種作以致水道壅塞舟楫不通然其始不可究詰想必在元明之間矣

義舉

剡源鄉志

卷一

風俗
義舉

三

保嬰會 同治初鄞人祝啓棠助洋銀一百圓以爲之

倡塔下諸生曹巨川

濟

向各村募捐得錢五百一十

千田一十二畝上海募捐得洋銀五百八圓半存放

生息凡生女赤貧之家報明各村首事由散董先給

養費錢一千兩月後再給二千以作津貼童養媳之

費嗣因給發眾多經費不繼裁其津貼之費局設於

淨慈寺歲以二月望日集高巖康嶺西隅三石塔下

相阮上下蹕駐六詔晚響嶺水碓頭剡界嶺黃沙阮

大阮各村諸董算帳一結寺外建保嬰亭一間立碑

二越十餘年存錢者無力歸償經費愈形拮据需濤
曾助田四分緣昔年趙姓向董事領錢東推西諉不
得已將田收歸推與月邊橋眾承管以後趙姓應給
發者亦向是眾領之此中路保嬰會之顛末也

俞村保嬰會 光緒初俞大隆立購田一畝山二畝凡
俞氏生女貧不能育者每口給錢二千

塔下保嬰會 曹文逸字景岡鄉飲賓光緒二十二年
仲冬助民田一坵坐落下汪畝土名下螞蝗量計二
畝五分整又助民田一坵坐落三石隔溪畝土名癩

剡源鄉志

卷一

義舉

三

頭山腳量計五分整共三畝交廉正董事收花存放
生息凡塔下生女貧不能育者每口給錢二千

存善局 光緒九年巖頭武生毛坤木與毛小春毛信
愷毛宏照毛德清毛奎生毛嘉賢捐資施棺歲約十
餘具至二十五年建樓屋三間兩衙樓上爲義學樓
下爲局中公所又建平屋三間一披前有涼亭

義山 附

墳山灣山十畝董村竺氏上宅派置

長男文衡校字